

檳榔嶼鍾靈中學添辦高中之商榷

顧因明

年來南洋各地土產價格低落，市况蕭條。華僑中小各校經濟來源大受影響。各埠僑校俱陷入僵持狀態中，不至閉停已屬萬幸，遑論擴充添級，積極發展。獨英屬檳榔嶼鍾靈中學，得麗澤社之援助，添建校舍，氣象蓬勃；校董會諸君子復賈其餘勇，決定於本年春季始業時，添辦高中。英屬華僑學生，從此增高程度，日上竿頭。華僑教育事業，竟能打破困難環境，力圖進展。引領南望，敬表無限同情。惟是高中師資，國內尙時感缺乏，而在海外，尤屬難能可貴。初中經費，檳城一埠，或尙勉可籌集；今添辦高中，則理化儀器之設備，與夫書籍圖表之添置，所需款項必巨；尤望校董會諸君子未雨綢繆，充份準備。教讀固屬寒儉生涯，而學校誠係銷金之窟。余常歎至日本矣。其各大都會之小學設備，遠勝於中國中學之設備。而中等學校設備之周密，尤超越中國各私立大學而上之。雖冷僻如奈良、順崗、函館、小樽、其中等學校，往往板屋數椽，不蔽風雨；而理化儀器，至少三五櫥，顯微鏡必有七八架，表冊圖籍，咸各具體而微。以視中土學校之只顧量的擴充，不知質的充實；孰得孰失，何

去何從，有識者當能知所急務矣。

抑有進者，普通高中，國內早患過剩。高中畢業生多數一無所事，致貽高等遊民之誚。其在先進諸國，強迫教育，有至十二年及十六年者。則高中畢業，亦僅僅完成國民教育之一小階段，本無所謂專長與超越。無如貧弱國家，斷難與富強之邦相提並論。當全國人民百分之七八十尚未識字之際，先其所急，自以普及教育爲第一要義。故中等教育勢須加以相當之限制。救貧救弱，應以中流社會爲骨幹。人才教育之階段，不在大學，而尙在高中。尤其在南洋各埠，從前商界中堅份子，每多畢業於於高小；十餘年來，多畢業於初中；今後少數領袖人物，當然是大學畢業，而大多數中堅人才，仍非高中畢業生莫屬。故僑校高中之辦理得當與否，華僑中堅社會之命運所由係焉。作始也簡，將畢乃巨。鍾靈高中開辦伊始，校董會諸君子諒早熟思深慮。將來學生畢業以後，除少數財力較充者得升入大學外，其餘多數畢業生，必須具有專長，庶幾易於謀事。毋使華僑未來之高中學生，亦感受畢業易，謀事難之痛苦，重蹈祖國之覆轍，則幸甚矣。

客有以職業教育之說進者，謂僑胞子弟之較有實力者，初中畢業以後，儘可歸國升學，以求深造。若在南洋各埠添辦高中，當爲一般高中畢業後無力升學者著想。故高中課程編制

不妨因地制宜，各就需要，添設職業科目。日本南進政策突飛孟晉，凡經商南洋之青年子弟，非商大專科畢業，即受拓殖學校之特殊訓練，而所受教育之年限，自幼至壯，幾無一在十二年以下者。我人既知日本商人即爲華僑商界之勁敵，則今後僑胞子弟，如欲與他國商人角逐于南洋市場，則需要較有科學系統之商業知識，實爲當務之急。所謂商業知識者，並非教些簿記打字等機械知識，就算滿足。必須使一般青年學子，明瞭經濟原理，與夫世界工商業之情況。語不云乎？知彼知己，百戰百勝。乃今之多數商人，既不知己。又不知彼。值此商業劇烈競爭之世界，其能免於失敗也幾希！

且既辦高中，則在三年之內，讀完一二十種商業主要科目，亦屬可能。國內已不少辦有成效之高商，可派代表實地調查，或託知友函寄詳章，俾資參攷。閉戶造車，暗中摸索，其所造就之人才，將來必不適宜於社會。甚矣，凡事之不可不慎於謀始也。故鍾靈高中而能就華僑商界所需要之人才，專授商業科目，則以商人之錢，辦理商業教育，名實既符，將來之收效自弘。

國於天壤之間，必有與立使。使一國人民而不愛其祖國，即是不愛其種族，不愛其子孫，而勢必淪胥於奴隸之域。華僑固愛國。華僑固尊崇其民族之英雄。華僑對於輔助教育事業

，尤具熱忱。但華僑在海外設立學校，教育自己子弟，必須就環境所許可，社會所需要，以謀解救自身之困難，斯爲上策。聞新嘉坡華僑高中停辦久矣。其停辦之原因，當極複雜。然辦理者之未遑顧及環境，致遭意外之變，要亦無可諱言。故普通高中而設於南洋各埠，對於環境經濟，兩不適宜。不如改設高商之爲得計。

或有疑我者乎？設高中不辦普通科，不設商業科目，就環境所許可，豈無他種高中可辦乎？曰，有。如果南洋各埠華僑資本家，效法陳嘉庚，楊斯盛，葉浴衷，施捨家財百萬，創辦高初中除師範科應歸政府辦理外，其餘農工職業學校，如爲當地社會所需要，一隨創辦人之意志，分科設校可也。組織務須完密；基金允宜鞏固。校長教員，必須鄭重物色。招收學生，務求程度相當，根基穩固，庶主其事者不存五日京兆之心，而校務乃得依次進行。日後收效之弘，當非一般風雨飄搖之私立學校所可企及。然而無聞也。豈華僑資本家之見不及此歟？抑亦指導者之未得其當歟？外侮日急，世變益劇。天南地北，究不識何處可稱安樂土。今敢告華僑熱心教育諸君子曰，以華僑自己之金錢，造就華僑子弟，宜在當地設校，庶父兄得以就近監察學校之辦理得當與否，與夫子弟之認真求學與否。有目共睹，無可諱飾。若資遣幼年子弟，回至祖國各大都市求學，誠無異投若輩於陷阱。耗財巨萬，費時多年，華僑子

弟金盡而歸，客病無能；而性情習慣之敗壞不可收拾，滔滔皆是。則其父兄之失望爲何如耶！故華僑在南洋各埠自設高中，計誠良得，要以多添適於實用之職業科目爲主旨，人事碌碌，率貢鄙陋之愚。野人獻曝，君子擇焉。區區之忱，幸僑胞諸先進垂察也。

二四、一、二十日于上海南洋中學

本會沈厥成會員著作一覽

- | | | |
|-----------|--------|-----------|
| 荷屬東印度地理 | 定價五角五分 | 上海商務印書館發行 |
| (印刷中) | | 出版處全上 |
| 荷屬東印度史略 | (印刷中) | 出版處全上 |
| 南洋地理 | (印刷中) | 出版處全上 |
| 南洋奇觀 | 定價一元三角 | 上海良友公司 |
| 荷屬東印度地理大全 | (編著中) | 出版處未定 |
| 南洋人種風俗集 | (編著中) | 出版處未定 |
| 南洋峇厘人種風俗集 | (編著中) | 出版處未定 |
| 馬來半島一瞥 | (編著中) | 出版處未定 |
| 荷屬東印度概論 | (編著中) | 出版處未定 |
| 爪哇 | (編著中) | 出版處未定 |
| 南洋人種風俗 | (編著中) | 出版處未定 |
| 南洋見聞錄 | (編著中) | 出版處未定 |